



**ECCLESIASTICAE || DISCIPLINÆ || LIBRI SEX: || DE
CANONICA ET MO-||nastica Disciplina collapsa
restau-||randa, pristinoque nitori || restituenda.||**

Schulting, Cornelius

Coloniae Agrippinae, 1599

VD16 ZV 14233

11. Rursus ex Decretis Concilij Prouin Coloniensis, Ex Decretis Stephani Papæ & Eutichiani, & Gaij Papæ & Innocentij, Cœlesrtini, Leonis, Hilarij, Simplicij, Fœlicis tertij, Gelasij primi, Pelagij 2. ...

[urn:nbn:de:hbz:466:1-63372](https://nbn-resolving.org/urn:nbn:de:hbz:466:1-63372)

*Ex Decretis Concilij Prouincialis Colo-
niensis.*

Salus Ecclesie terror hostium eius, & fidei Ca-
tholicæ stabilimētum sunt synodi, quas etiam
rectissimè corporis Ecclesie neruos dixerimus.
Neglectis enim synodis non aliter Ecclesiasticus
ordo diffluit, quam si corpus humanum neruis
soluatur.

Ex Synodo Mogutinensi, Cap. 74. Hinc hortamur atque monemus omnes & singulos Clericos, vt vitam viuant, quam professio eorum exigit, & Christus requirit, inquiring. Sic luceat lux vestra coram hominibus vt videant opera vestra bona, & glorificent Patrem vestrum, qui in coelis est. Et cum vestitu honesto incedant, quapropter singulari cura intendat quisque Prælatus, ne ijs, quibus præest torques aureos publicè in Ecclesia, aut vestes varij coloris veluti virgatas & fimbriatas, aut discissas, deferant: sed longis atque talaribus vtantur. Nulla arma iuduant nisi itinerantes, barbamque non nutriant. Coronam & tonsuram deferentes, tum summoperè curantes, ne quem laicorum indecentia vestitus offendant, vt sacris Canonibus cautum est. Insuper tabernas publicas euitent, nisi eos peregrè proficiscentes ingredi oporteat, & tam inibi quàm domi & alibi à crapula, ebrietatibus omniq̃ ludo à iure prohibito, blasphemijs, rixis & alijs quibuscunq̃ excessibus & offensionibus penitus abstineant, Cho-
reas

reas spectaculaque & conuiuia publica vitent, ne ob luxum petulantiamque eorum nomen Ecclesiasticum malè audiat. Cum que secundum Apostolum nemo militans Deo, sese negotijs secularibus implicare debeat, nemini clerico liceat domi suæ tabernam comptandi que locum aperire laicis: Quoniam non rarò sequi solent ebrietatem, rixæ, cædes, & multa hoc genus scelera, quæ Sacerdotalem polluunt dignitatem negotiationibus quoque mercemonijl que more mercatorum, abstineant.

Disciplina Ecclesiastica collecta ex Decretis primorum antiquissimorum Romanorum Pontificum.

Ex Decretis Stephani Papæ vigesimi secundi. Decre. 2. Sed & qualiter obedientia vel reuerentia sit præpositis exhibenda, ex tuis quoque subiectis ipse non ambigis.

In qua re valde est vtile, si id quod disciplinæ vigor imponit, nullo cogente humilitas laudanda seruauerit. Omnipotens Deus, in cuius manu sunt omnia, de quo scriptum est: Non est sapientia, non est prudentia, non est consilium contra Dominum, ipse te tuosque, & diuina & Apostolica sedis instituta illibata seruare, & nos atque omnes fideles ad potiora semper conscendere, & de die in diem deteriora cauere, & meliora ac Deo placita sectari, atque perficere concedat.

Ex decretis Eutyichiani Papæ: Decretum octauum Episcopus in synodo residens, post congruam allocutionem, septem ex plebe eius Parochiæ vel

eo amplius prout viderit expedire, maturiores, honestiores atque veraciores viros in medium debet aduocare, & illatis sanctorum pignoribus vnumque illorum tali sacramento constringere, vt amodo in ante quicquid nosti, aut audisti, aut postmodum inquisiturus es, quod contra voluntatem Dei, & rectam Christianitatem in ista Parochia factum sit, aut futurum erit, si in diebus tuis euenerit, tantum vt ad tuam cognitionem quocunque modo perueniat si scis, aut indicatum fuerit tibi, synodalem causam esse, & ad ministerium Episcopi pertinere, quod tu nec propter amorem nec propter timorem, nec propter præmium, nec propter parentalem vllatenus celes Episcopo aut eius misso, cui hoc inquirere iusserit, quandocunque ex hoc te interrogauerit, sic te Deus adiuuet, & istæ sanctorum reliquæ, & illud sacramentum quod iste iurauit de synodali causa, quod tu illud ex te ita obseruabis, in quantum sapis, aut audisti, aut ab hac die in antea inquisiturus es, sic te Deus adiuuet.

Ex Decretis Gaij Papæ: Decreto 1. Quapropter dilectionem tuam in Domino salutantes, de singulis, quid iuxta Catholicam disciplinam teneat Apostolicæ sedis autoritas, subiectis aliquibus etiam sanctarum capitulis regularum, te credimus instruendum.

Ex Decretis Innocentij Papæ: Caput 1. Innocentius vniuersis Episcopis in Toletana Synodo constitutis dulcissimis fratribus in Domino salutem. Sæpè me & nimium cùm teneret cura sollicitum super dissensionis schismate Ecclesiarum
quod

quod malum per Hispanias latius in dies separationis gradu incedere fama proloquitur, necessarium tempus emerit, quo non possit emendatio tanta differri, & deberet congrua medicina prouideri. Nam de ordinationibus quas prauæ consuetudinis vitio Hispanienses Episcopos celebrare cognoscimus, fuerat aliquid secundum maiorum traditionem statuendum, nisi perpendere-mus ne perturbationes quam plurimas Ecclesijs moueremus. Quorū factum ita reprehendimus, ut propter numerum corrigendorum, ea quæ quoquo facta sunt, non in dubium vocemus, sed Dei potius dimittamus iudicio.

Ex Decretis Cælestini Papæ Capitulum tertium: Docendus est populus non sequendus. Nosque (si nesciunt) eos quid liceat quidve non liceat, commouere, non his consensum præbere debemus: Quisquis verò conatus fuerit tentare prohibita, sentiat censuram Apostolicæ sedis minimè defuturam. Quæ enim sola admonitionis autoritate non corrigimus, Necessè est per seueritatem congruentem, regulis vindicemus: per totas ergo hoc (quæ proprijs rectoribus carent) Ecclesias volumus innotescat ut nullus sibi spe aliqua forsitan blanditus illudat. Data 12. Kalendas Augusti: Florentio, & Dionysio consulibus.

Ex Decretis Leonis Papæ: Decretio 1. Quia etsi plerumque existant, inter negligentes vel desidiosos fratres quos oporteat maiore autoritate curare, sic tamen est adhibenda correptio, ut semper sit salua dilectio. Vnde & beatus Apostolus Paulus ad Ecclesiasticum regimen Timotheū imbuens,

buens, dicit: Seniore[m] ne increpaueris, sed obsecra ut patrem iuuenes ut fratres, anus ut matres iuuenulas ut sorores in omni castitate. Que moderatio in quibuscunque in inferioribus membris ex Apostolica institutione debetur: quanto magis fratribus & coexcommunicationis nostris sine offensione reddenda est? Et licet nonnunquam accedant que in sacerdotalibus sint reprehendenda personis, plus tamen erga corrigendos agat beneuolentia quam seueritas plus cohortatio quam commotio, plus charitas quam potestas. Sed ab his qui quæ sua sunt quærunt, non quæ Iesu Christi facile ab hac lege disceditur: & dum dominari magis quam consulere subditis quærunt, placet honor, inflat superbia: & quod proximum est ad concordiam, stendit ad noxam. Decreto II. Ad hunc enim finem affectum nostrum curamque dirigimus, ut quod ad unitatem concordie, & quod ad custodiam pertinet discipline nulla dispensatione violetur, nulla desidia negligatur.

Ex Decretis Hilarij Papæ. Ac deinceps nihil quod cõtra disciplinam Ecclesiasticam veniat, sicut hæcenus factum est perpetretur. Tuæ sollicitudinis est frater charissime, omnia debita tibi auctoritate tueri, & illicitis non modò non præbere assensum sed etiam cuncta quæ contra regulam facta repereris, coercere: atque ante omnia sola unitate decernimus, Irenejum ad Ecclesiam suam redire compelle.

Ex Decretis Nicolai I. Papæ: Tit. 4. ca. 9. Si quis dogmata mandata interdicta sanctiones vel decreta pro Catholica fide vel Ecclesiastica disciplina

plina pro correctione monumentum vel futurorum malorum à sedis Apostolicæ præfule salubriter promulgata contempserit, anathema sit. Tit. II. c. 5. Quoniam mali bona administrando, se tantummodo lædunt. Fax accensa sibi quidem detrimentum præstat alijs verò lucem in tenebris administrat: & vnde alijs commodum exhibet, inde sibi dispendium præbet.

CAPVT XII.

Sequuntur testimonia de Disciplina Ecclesiastica ex Decretis Gratiani 1. part. Dist. 8. ca. 2.

Quæ contra mores hominum sunt flagitia, pro morum diuersitate vitanda sunt; vt pactum inter se ciuitatis aut gentis consuetudine, vel lege firmatum, nulla ciuis aut peregrini libidine violetur. Turpis enim omnis pars est suo vniuerso non congruens. Dist. 12. c. 1. Quicquid ergo sine discretionem iustitiæ contra huius disciplinam actum fuerit, ratum haberi ratio nulla permittit. Dist. 17. c. 4. Si forte (sicut de talibus scriptum est Peccator cum venerit in profundum malorum, contēnit) ita obstinati, & contumaces extiterint, vt doceri non velint eos ab iisdem Apostolicis sedibus aut a trahi ad salutem quoquo modo necesse est, aut (ne aliorum perditio esse possint) secundum canones per sæculares comprimi potestates. Ex Decreti parte 1. Dist. 18. Episcop. igitur concilia vt ex præmissis apparet sunt inualida ad definiendum, & constituendum, non autē ad corrigendū. Sunt. n. necessaria Episcoporum concilia ad exhortationem, & correctionem. Dist. 18. ca. 6.

Perue-